

BODO (CODE: 192)
CLASS-XII
(April 2021-March 2022)

TERM – II (Answer Key)

SECTION-C
GRAMMAR APPLICATION (20 Marks)

1.

- (क) फिन: बर' रावनि सुबुंसाइया गासै मोनथाम। बेफोर जादों- सेथि सुबुंसाइ, नैथि सुबुंसाइ
आरो थामथि सुबुंसाइ।
- (ख) फिन: थाइजानि सिफाइजायै गुबै सोदोबफोरखौनो थारजा होननानै बुनाय जायो। जैरे- जा,
माव, हम, थां, फै बायदि बायदि।
- (ग) फिन: गाहायाव सोदोब दाजाबदानि मोननै बिदिन्थि होनाय जाबाय-
- गोरा : बोलो + गोरा = बोलोगोरा
- गिरि : फोरों + गिरि = फोरोंगिरि

2.

- (क) फिन: जाय सोदोबफोरखौ बिजिरनो हागौ एबा बिजिरनानै सोदोबथि मोननोबो हागौ बेफोर
सोदोबखौनो दानाय सोदोब बुडो। दानाय सोदोबाव जेब्लाबो मोनसे बाहागोआव गुबै सोदोब
आरो गुबुन मोनसेयाव दाजाबदा थायो। जैरे- हा+ख'र=हाख'र; माइ+बिहुं=माइहुं।
- गाहायाव मोननैसो बिदिन्थिनि गेजेरजौं रोखायै फोरमायनो लाबाय-
- (i) बर' रावाव जिब-जुनारनि मुंखौ 'मि' गुबै सोदोबनिफ्राय दानाय जायो। जैरे-
मि+सौ=मोसौ; मि+सा=मोसा; मि+देर=मैदेर; मि+फुर=मुफुर।
- (ii) दातफोरनि मुंखौ 'दात' गुबै सोदोबनिफ्राय दानाय जायो। जैरे- दात+सि=दातसि;
दात+खा=दातखा; दात+ब'=दातब; दात+थु=दातथु; दात+राइ=दातराइ।
- (iii) 'हा' गुबै सोदोबनिफ्राय दानाय सोदोबफोर। जैरे- हा+सार=हासार; हा+बु=हाब्रु;
हा+दर=हादर; हा+गोदान=हादान; हा+गोजौ=हाजौ।
- (ख) फिन: खायफा मानसिया गाज्जि खामानि मावनो सिं सिं जोबोर थुलुंगा होयो आरो
हेफाजाबबो होयो। नाथाय बे मानसियानो गाज्जि हाबा मावग्रा मानसिनि गाज्जि आखुखौ
जेरावबो फोसावद्ला बायो। बेबादिनो सिं सिं थुलुंगा होननै गाज्जि हाबा मावग्रा मानसिनि
गाज्जि मुं फोसावद्ला बायनायखौ बे वाथ्रा भावजौं फोरमायनाय जायो।

3.

- (क) फिन: थारजा सोदोबनि आवगायाव जनानै खाथि-गोजान, सिमा, दं-गैयै, रुजुनाय बेफोर
बादि सोदोबथि दिन्थिनानै जाय बिसुं जायो बेखौनो महरथि बिसुं बुडो।

महरथि बिसुंआ गोबां बाहागोनि दंब्लाबो बेफोर बाहागोनि गासिबो महरथि बिसुंखौ बर'वाव नुनो मोनजोबा। बर' रावाव बाहायजानाय माखासे महरथि बिसुंखौ गाहायाव दिन्थिनाय जाबाय-

- (i) **गैयै दिन्थिनाय:** धोरोम गैयै > अधोरोम; आसार गैयै > अनासार; लावरि गैयै > आलबरि बायदि बायदि।
- (ii) **गोरोबनाय दिन्थिनाय:** लाइ-बादि > लाइमोन; मु-बादि > मुसुखा बायदि बायदि।
- (iii) **खनले खनले दिन्थिनाय:** सानफा सानफा > सानफ्रोम; न'फा न'फा > नफ्रोम; खनफा खनफा > खनफ्रोम; आगानफा आगानफा > आगानफ्रोम।
- (iv) **सिमा दिन्थिनाय:** जिउखौ बारै > जिउ थाजासे; गोहोखौ बारै > गोहो थाजासे; बिखानि गेजेर > जेरबा।
बेफोरनि अनगायैबो बोसेब, दानखलाब, दोसो, देथाब, नारथ'म बायदि सोदोबफोराबो महरथि एबा बिथारजा बिसुंआव गोगलैयो।

(ख) फिन: थारजा एबा सोदोबनि उनाव गुबुन गुबुन सोदोबथि दिन्थिनो जाय सिनफोरखौ फज'नाय जायो बेखौनो दाजाबदा बुडो।

बर' रावाव दाजाबदाया गासै मोनबै बाहागोनि दं। बेफोर जादौं-

- (i) थारजा दाजाबदा
- (ii) सोदोब दाजाबदा
- (iii) जो आथोन दाजाबदा
- (iv) बेखेवफा दाजाबदा

SECTION-D LITERATURE (20 Marks)

4.

- (क) फिन: गोनोखोगोनां साननाय-हनायजौं माबा बेसाद एबा जाथाइ बिसार-बिजिर खालामनो हनाय गोसोनि गोहोआनो जादौं गोनोखोआरि गोसो।
- (ख) फिन: 1228 मायथाइनि उनाव थाइ आह'म फोलेरनि माहारिफा कामरूप हादाबाव हाबफैनानै बर' राजाफोरखौ फेजेनफैनानै राइजोखौ सेनानै लाफैयो।
- (ग) फिन: बे गिलिर राइजो जानाय बिबानखौ रावबो जेब्लाबो थाब्रोम नागारनो हाया। अननाय-अनजानायनि गेजेरजौंनो संसार एबा राइजो जानाया। नाथाय रावखौबो रावबो अननायनि गेजेरजौं लोगोआव लांफानोबो हाया। बेनिखायनो सुबुनि संसार जानाया थिखा मावनाय बादि खामानि जोबागौमानि मुखुब थानाय, नाथाय खामानि जोबोब्ला फिन थांफिननाय बादि।

5.

(क) फिनःआथिखालनि मुगाया जादों गोसोखौ उदाई दोननायनि मुगा, गोनोखोनि गासै खान्थियावनो बे उदां गोसोनि गोनांथिया बांसिन। जों जौगानाय समाज लोगोसे हादरनि मिजिं खालामनोब्ला जौनि गोसो मेलेमाव गोनोखोआरि सानथाय एबा गोसो दानो नांगोन। नडाब्ला जौनि हादरा सोदोमस्त्रिनि दावगा लामायाव जोबोर उन जाना थागोन।

गोनोखोआरि गोसोनि बिगुमा जानो सोरबा सासे सुबुडा गोनोखोनि गोजौ डिग्रि गोनां जानायनि गोनांथि गैया। नाथाय, गोनोखोनि गोजौ डिग्रि थानानैबो सोरबा सुबुंहा गोनोखोआरि गोसो थायाबो जानो हागौ, थामहिनबा बेयो सोलिबोनायखौ फोथायगा एबा खाना फोथायग्राबो जानो हागौ। समाजनि लेखाफरा रोडि, गामिनि सुबुं सासेयाबो गोनोखोआरि गोसोनि बिगुमा जानो हागौ।

(ख) फिनः सिदनि एण्डेलखौ बर'फोरा अननानै 'गामिनि ब्राइ' होननानै गाबज्जियोमोन। मानोना बिथाडा बर' गामि गेजेर गेजेर थावायटिंबायना बर'फोरनि हाबा-हुखा, दामनाय-टेनाय, मोसानाय-मुसुरनाय, रंजानाय-बाजानाय, जेरावबो नुजाहैना बिसोरनि गोसो खंखरआव उरफलेहाबना बर' हान्जामानि आसारफोरखौ बुरन-बुसि सोलोंनो नाजायोमोन आरो बर'फोरनि सुखु-दुखुनि बुब्लियाव गावबो गसंफायोमोन।

रेभारेण्ड सिदनि एण्डेलआ सोरनिबा नख'राव मानसि थैब्लाबो दुखु-दाहानि बिबान लाफाहैनो आरो बर'फोरनि गोथै बोगारनाय बाऊगारनाय आसारफोरखौ बुथुमनो गुरब्ला नुजाहैयोमोन। बेबेबा गामियाव सल' खिन्थानो गोरों बर'ब्राइ दंब्ला सल' लिरथुमनो बे गामियावबो गुरब्ला नुजाहैयोमोन। बेबेबा गामियाव समायना रमायना गोमो गोथां बाथ'गां गाबनि आगर गोनां बर' सि दंब्ला बेयावहायबो एण्डेलआ बर' सिनि फट' सेबखांनो सहैयोमोन। बेबेबा गामियाव मेथाइ खननो गोरों मानसिफोर दंब्ला बर' खुगा मेथाइफोरखौ लिरखांनो बेयावबो हामफला-सिफला नुजाहैयोमोन। बेफोर थांखिखौनो लानानै एण्डेलआ बर' गामि गामि थाबायटिंडोमोन।

6.

(क) फिनः प्रमद चन्द्र ब्रह्मआ सासे राफोद रायथाइगिरि। बिथाडानो बर' रायथाइनि महर, सानसि आरो मुसिनि बिथाखौ गोरायै दानानै होगोदोंमोन। अलंबार, हाथर्खि-हाला, सानसि आरो मुसि लाइसिफोराव बिथांनि बायदिसिना रायथाइफोरा औंखारदों। बिथांनि सुजुनाय 'हाथर्खि-हाला'याव 'बैसागु', 'फागिल' आरो 'जोहोलाव दैमालु' रायथाइया औंखारदोंमोन।

'बैसागु' रायथाइनि गेजेरजौं रायथाइगिरिया बर'फोरनि बै समनि बैसागु खुनायखौ नुना दुखु फोरमायनाय सानसिया रोखा बेरखांदों। बिथाडा बर'फोरनि बैसागु खुनायनि सोमोन्दै ओरे बुदों- 'गैमारलिया होमब्ला बर'नियाव बैसागुवा ? अनसुलि माइनाय, बिलाइजौं बारजौं, जोमैजौं जरनाजौं, बारलां गावथां, सावनारजि, अराय-सिखोला, सुग्लायहोग्रा बार, बिखौ दानिया बर'आ गोसो थोलिया ! जितवानो गैलिया जायहा जितवा

बिहा माबरै मोसाखांनो। बेखायनो गैलिया जायहा माबोरै बियो मोजां मोन्नो ? मैयासो संनायखान्थि गैजारोडै गोसोनि फिनरोडै, गोथडै गोरान पुर्णिमा, अमाबस्या, महालया, लक्ष्मिजुफारेजॉल' जाहावजासै बर' सिखलाफोर ! बेनि सायाव खैदां-खैफोट, उखैनाय-गांनायफोरबादि मेगन गोसा मोधाइया साबफानानै स'नायाव सुवासो जालायलांबाया। बिथाडा बे रायथाइनि गेजेरजॉ बर' फिसाफोरखौ हाजार खैदां-खाफोट फैब्लाबो बैसागु रंजानायखौ नागारनो होआखै।

'जोहोलाव दैमालु' रायथाइयाव लिरगिरिया मालाय हारिनि गेदेर उन्दै गासिबो खौराडानो लेखायाव सिखारजोबबाय नाथाय बर'नियाल हेव जाबाय होनना बुदौं। गाव हारिनि जारिमिनखौं गाव लिराब्ला गुबुना लिरना होआ होननानै फोरमायदौं। बे रायथाइयाव जोहोलाव दैमालुनि दुखुगोनां जिठ जारिमिनखौं सल'नि रावजॉं फोरमायलांना थैनोसै समाव जोहोलाव दैमालुवा गोसोजॉं साव होलांदौं होनना एरै फोरमायदौं- 'बर'फोर, झेरैनो सासे देरनायखौं नायनो हाया जादौं, झेरै राइजो फिसा बैंगा जोहोलावनि जितखौं सानस'नो हाया नोंसोर फोजोबलांबाय, बिखौं एसेबो सिनायनो, मानि रोडाखिसै, औरैनो रावबो जोहोलाव गेदेर नोंसोरनि गेजेराव दा उजिथौं ! गावजॉं गावनो मेगन सानानै मानिलायाजानानै नोंसोर गोदोलांगोन, हाजो खर'आव खारखो खारखो थैजोबनांगोन। हालिया, हालिया थांनोसै ! थांनोसै आं हिरिम्बा राइजो, बर' बिमा आंनि।'

बे रायथाइनि सानसि, सोदोब आरो खबाम बाहायनायनि आद'बा खन्थाइबादि।

'फागिल' सल'आव मपासानि सल'नि साया लाना लिरनाय अनजालु गोराया आह'म बर'नि गेजेराव जानायनि समनि दोंसे गिलु-बालु सल' खिन्थादौं। सासे खाफाल दाखुरि खर' गाज्जि बर' हिन्जावा डिमापुर नोगोराव बिफा थैजानाय आरो दाननैसो उनाव फिसाइ आरो उजिगोदान गथ' थैजानाय आरो आह'म सारा गाहाइनि मेगन थिफाइसन्नायाव अरणबारियाव गोथां गोथिडैनो बैसाडाव सांगिना दोनहैनाय आरो बेवनो थैनानाय बाथ्राया रोखा जाबाय जेब्ला बिजॉं गावथार जानाय दातमासार दातखौं आबुडै लायनो थाखाय हाखराव ओंखारलाडो। बे सल'आनो बे रायथाइयाव रोखा बेरखांदौं।

रायथाइगिरि प्रमद चन्द्र ब्रह्मनि 'सोरबा' रायथाइया थारैनो सानसिजॉं आबुं जानाय गोजौं थाखोनि रायथाइ। बे रायथाइनि गेजेरजॉं रायथाइगिरिया अबंलातरि एबा आनान गसाइखौं संदाननानै गोथौं सानथौंनि बाथ्रा फोरमायदौं। आनान ग'साइ एबा दोहोरोमनि बाथ्राया गुबुन गुबुन रावनि थुनलाइफोरावबो गोबां गोसारना दं। नाथाय थुनलाइनि गाब होनानै सन्दे-बन्दे बेबादि इसोरनि बाथ्रा फोरमायनाया थारैनो गुबुन गुबुन रावनि थुनलाइफोरावबो मोन्नो थाडा।

'फोर्ला बाबाजि आरो बर'नि हारिमु' रायथाइयाबो जोबोट बेसेन गोनां रायथाइ। बेयाव ब्रह्म दोहोरोमनि गुरु कालीचरण ब्रह्म आरो विथांनिनो आगदा आखान्थि फोर्ला

बाबाजिनि गेजेराव बर' हारिमुनि गोनां आयदा खाम-सिफुं-जथाखौ लानानै बाथा दान्थेलायनाय आरो उनाव फोर्ला बाबाजिनि बानबुंथाइयानो गनायजानायनि बाथाखौ रायखांना लिरदौं। बिथाडा बुंदौं- 'बर'नि हारिमुवा गोमाळा बर' हारिया गोमाळांगोन, दालाइ बिलाइखौ थाखलायब्ला बिफाडानो थैथारनायबादि।' बे रायथाइनि गेजेरजौं फोर्ला बाबाजिनि बर' हारिमुनि गोनां आयदा खाम, सिफुं, जथा, सेरजाखौ लाखिनायनि गोनांथि आरो रायथाइगिरिनि बाथौ दोहोरोम फारसे अनसायनाय आरो फोथायनाया रोखा बेरखांदौं।

(ख) फिनः 'गोथां गाब गाथोंसै' खन्थाइया अन्जु नारजारिनि दोंसे खन्थाइ। बे खन्थाइ दोंसेनि गेजेरजौं खन्थाइगिरिया बुहमनि सुबुंफोरनि गोसोनि साननाय-हनाय, हास्थायनाय, सिमां, मिजंफोरा मोगथाडाव जाफुंसारथोंसै थामहिनबा साफ्रोमबो सुबुंनि गोर्बोआव अराय गोथां गाब गाथोंसै होननानै फोरमायदौं।

बुहमनि साफ्रोमबो सुबुंनि गोर्बोआ मोनफा मोनफा हासार गोनां जाहार बादि, जेराव हास्थायनाय, साननायजौं खामानिखौं मावफुंनो हायो। सुबुंनि गोर्बो एबा जितआव गोदान गोदान साननाय-हनाय, सिमां-मिजंफोरा अरायबो थांनानै थाबाय थाथों बेखौनो खन्थाइगिरिया हास्थायदौं। मानोना, बुहमनि साफ्रोमबो सुबुडा गोदान गोदान साननाय-हनाय, सिमां-मिजंफोरखौं लानानै थांना थायो। हासार गोनां हायाव जाय बेगरखौं फोयोब्ला रज'यो थिक बेबादिनो सुबुंनि गोर्बोआवबो मोजां मोजां साननाय-हनायफोरा जायगा लायोब्ला जाफुंसार जानायनि खाबु मोनो। जेरैबादि बयबो सुबुडा गोसो-गोर्बोनि साननाय-हास्थायनाय, लुबैनाय-गांनायजौं जुजियै जुजियैनो जाथावथारै बेसेबांबा गोब्राब जैनाखोबो जाफुंसार होनो एबा सुफुंनो हाहैयो। बिदिन्थि बादियै- उरिस्यानि आंखालजौं बुंफबना थानाय थामहिनबा अखा बांखा गैयि रानसाव जायगा कालाहान्दि बादिखौं थाजिम खालामनो हादौं। जायनि जाहोनाव सुबुंनि जितआव दुखु-दाहाफोरखौं खारहोनो हायो। अदेबानि सिंगानि साननाय-हास्थायनाय, सिमां-मिजंफोरा जाफुंसारनायनि उनाव आरोबाव गोर्बोआव गोदान गोदान सिमां, मिजं रनसायफिननो हायो। रानसाव बैसोमुथिखौं अखानि दैया जेरै गोजोन होनो हायो बिदिनो गोर्बो हासारजौं सुबुंनि गोर्बोखौं थाजिम खालामनो हानायनि फुंखा होनो हायो।

बेनिखायनो, खन्थाइगिरिया जोबथारनाय खलबाव बुंदौं- "गोथां गाब गाथोंसै" थामहिनबा बुहमनि साफ्रोमबो सुबुंनि गोर्बोआव गोदान गोदान साननाय, हास्थायनाय आरो मिजंफोरा अराय थाबाय थाथोंसै होननानै।